

4.2. Skipting umdæma í þjónustueiningar og deildir, þ. á m. deildaskipting á aðal-póststofunni í Reykjavík og símstöðinni í Reykjavík, skal ákveðin með skipu-riti, sem ráðherra staðfestir.

### 5. gr.

5.1. Öllum stjórnendum pósts og síma ber, hverjum á sínu sviði, að vinna að góðu skipulagi og hagkvæmum rekstri og fylgjast vel með nýjungum, sem til fram-fara horfa.

5.2. Þeim ber að leggja fyrir póst- og símamálastjóra tillögur sínar og ábendingar um endurbætur á sinni deild og hafa nána samvinnu sín á milli um sameigin-leg mál.

### 6. gr.

Reglugerð þessi er hér með sett samkvæmt heimild í lögum nr. 8 9. janúar 1935, um stjórn og starfrækslu póst- og símamála, til að öðlast gildi 1. júlí 1976, og birtist til eftirbreytni öllum þeim, sem hlut eiga að máli. Jafnframt fellur úr gildi 1. júlí 1976 reglugerð nr. 384 20. des. 1974, um stjórn og skipulag pósts og síma.

*Samgönguráðuneytið, 3. júní 1976.*

**Halldór E. Sigurðsson.**

*Brynjólfur Ingólfsson.*

## AUGLÝSING

**um notkun gjaldmæla í leigubifreiðum, samkvæmt reglugerð nr. 181**

**5. maí 1974, sbr. reglugerð nr. 432 17. sept. 1975.**

Samkvæmt heimild í reglugerð um notkun gjaldmæla í leigubifreiðum nr. 181 5. maí 1974, sbr. reglugerð um breytingu á henni nr. 432 17. september 1975 hefur ráðu-neytið ákveðið eftirfarandi:

Skylt skal að hafa gjaldmæli sem sýni rétt ökugjald í öllum leigubifreiðum allt að 8 farþega, sem aka fólki gegn borgun, á þeim stöðum þar sem í gildi eru reglu-gerðir um takmörkun þeirra og útgáfu atvinnuleyfa, svo og sendibifreiðum í Reykja-vík, sem aka vörum gegn borgun.

Leigubifreiðastjórum á þeim stöðum þar sem gjaldmælaskylda hefur ekki verið er þó veittur frestur til 15. september 1976 til að fullnægja 2. mgr. auglýsingar þessarar.

Ráðuneytið hefur ákveðið að nota skuli gjaldmæla af rafeindagerð framléidda af Haldex AB í Svíþjóð og Iðntækni hf. á Íslandi. Eldri gerðir gjaldmæla frá Halda AB í Svíþjóð má þó nota meðan endast.

Ráðuneytið skipar löggildingarmenn gjaldmæla, sem annast löggildingarstörf samkvæmt áðurgreindri reglugerð og fást upplýsingar um þá í ráðuneytinu.

Við birtingu þessarar auglýsingar afturkallast auglýsingar ráðuneytisins frá 18. ágúst 1952, 3. okt. 1956 og 22. sept. 1960.

*Samgönguráðuneytið, 31. maí 1976.*

**Halldór E. Sigurðsson.**

*Brynjólfur Ingólfsson.*